



TOSHKENT DAVLAT YURIDIK UNIVERSITETI REKTORINING B U Y R U G ' I

21.12.2023

787-tm-son

2023/2024 o'quv yili Ommaviy huquq fakulteti 4-kurs talabalarining bitiruv malakaviy ishlari mavzularini tasdiqlash va ilmiy rahbarlar tayinlash to'g'risida

Toshkent davlat yuridik universiteti kengashining 2020-yil 26-iyundagi 6-son majlis bayonnomasi bilan tasdiqlangan Bitiruv malakaviy ishini tayyorlash va baholash tartibi to'g'risidagi nizomga, Toshkent davlat yuridik universiteti kengashining 2022-yil 29-noyabrdagi 4-son majlis bayonnomasiga hamda Davlat va huquq nazariyasi, Konstitutsiyaviy huquq, Ma'muriy va moliya huquqi va Ekologiya huquqi kafedralari majlis bayonnomalariga muvofiq,

BUYURAMAN:

1. 2023/2024 o'quv yili Ommaviy huquq fakulteti 4-kurs talabalarining bitiruv malakaviy ishlari mavzulari va ilmiy rahbarlar ro'yxati ilovaga muvofiq tasdiqlansin.

2. Kafedra mudirlari:

ilmiy rahbarlar bilan birgalikda talabalar bilan ishlash jadvalini tasdiqlab, bitiruv malakaviy ishi(keyingi o'rinlarda BMI)ni yozish bo'yicha talabalarga aniq ko'rsatmalar bersin;

BMilarining tayyorlanishi ustidan doimiy nazorat o'rnatsin;

kafedraga biriktirilgan talabalar tomonidan tayyorlangan BMI oldingi yillarida tayyorlangan ilmiy ishlar (BMI, magistrlik, doktorlik dissertatsiyalari va boshqalar) bilan plagiat bo'lmasligi hamda boshqa akademik halollik talablari (ma'lumotlarni soxtalashtirmaslik, yolg'on iqtiboslar keltirmaslik va boshqalar) doirasida bajarilishi uchun ilmiy rahbarlar bilan birga qat'iy mas'ul ekanligi belgilansin;

Davlat attestatsiya komissiyasidan kamida bir hafta oldin kafedraga biriktirilgan talabalar tomonidan tayyorlangan BMilarining himoyaga tayyorgarligi yuzasidan kafedra majlisi o'tkazilib, uning bayonini bilan birga BMI ishi, rahbar xulosasi, taqriz, antiplagiat tizimi xulosasi va ularning elektron nusxalari Ommaviy

huquq fakulteti dekanati (Sh.Saydullayev)ga taqdim etsin.

3. Ommaviy huquq fakulteti dekani (Sh.Saydullayev):

fakultet talabalari tomonidan bitiruv malakaviy ishlarni o'z vaqtida va sifatli tayyorlanishini ta'minlash maqsadida Davlat attestatsiya komissiyasiga qadar ularni monitoringdan o'tkazilishini ta'minlasin;

talabalar tomonidan bitiruv malakaviy ishlarining o'z vaqtida va sifatli tayyorlanishi holati yuzasidan yo'l qoyilgan kamchiliklar bo'yicha tegishli kafedra mudirlari, ilmiy rahbarlarga ta'sir chorasi qo'llash yuzasidan belgilangan tartibda tavsiya kiritish choralarini ko'rishi mumkinligi qayd qilinsin.

4. Mazkur buyruq ijrosini nazorat qilishni o'z zimmada qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Boshqarma boshlig'i

S.BOZAROV



Bo'lim boshlig'i

A.KARIMOV



Katta yuriskonsult

A.TURSUNOV

